




Երջանկաճիշատակ Տ. Զ ր ե Ռ Սրբազան, Աթոռակալ Տանն Կիլիկիո Կաթողիկոսութեան



Հ Ա Ն Գ Ի Ս Տ
ԱՄԵՆԱՊԱՏԻՎ Տ. ԶԱՐԵՀ ՍՐԲԱԶԱՆ ԱԹՈՌԱԿԱԼԻ
(1915—1963)

Փետրվարի 18-ին Անթիլիասի Կաթողիկոսարանից հորեն սրբազանի ստորագրությամբ Մայր Աթոռում ստացված հեռագիրը գուժում էր անակնկալ և դառնադետ մահը Ամենապատիվ Տ. Զարեհ Սրբազան Աթոռակալի:

Տանն Կիլիկիո Սրբազան Աթոռակալի մահը խորին վիշտ է պատճառում Ամենայն Հայոց Վեհափառ Հայրապետին, Մայր Աթոռի միաբանության:

Նորին Ս. Օծովյան հրամանով, Գերագույն Հոգևոր հորհրդի ատենապետ գերաշնորհ Տ. Սահակ արքեպիսկոպոս Տեր-Հովհաննիսյանը ցավակցական հեռագիր է հղում հորեն սրբազանին, հանուն Վեհափառ Հայրապետի, Մայր Աթոռի միաբանության և Գերագույն Հոգևոր հորհրդի խորունկ վշտակցություն հայտնելով Կիլիկյան Աթոռին, միաբանության և ժողովրդին՝ այս մեծ կորստի առթիվ:

Այնուհետև, Վեհափառ Հայրապետի կարգադրությամբ, փետրվարի 21-ին, Մայր Աթոռում, Վարդանանց տոնի օրը, պատարագ է մատուցում Հոգևոր Ճեմարանի վերատեսուչ գերաշնորհ Տ. Հայկազուն արքեպիսկոպոսը:

«Հայր մեր»-ից առաջ բեմ է բարձրանում Գերագույն Հոգևոր հորհրդի անդամ գերաշնորհ Տ. Ասողիկ սրբազանը և հանուն Վեհափառ Հայրապետի, Մայր Աթոռի միաբանության և Գերագույն Հոգևոր հորհրդի խորունկ վշտակցություն է հայտնում Կիլիկյան Աթոռին, միաբանության և ժողովրդին՝ ամենապատիվ Տ. Զարեհ Սրբազան Աթոռակալի անակնկալ և տխուր մահվան առթիվ:

Այնուհետև Տ. Ասողիկ սրբազանը ջերմորեն խոսում է հանգուցյալի կյանքի և գործունեության մասին և բարեմաղթություններ անում Կիլիկյան Աթոռի պայծառության համար:

Դամբանականից անմիջապես հետո, Ամենայն Հայոց Վեհափառ Հայրապետի նախագահությամբ, Մայր Տաճարի ավագ բեմի ատյանում կատարվում է հոգեհանգստյան հատուկ պաշտոն նորոգ հանգուցյալ Տ. Զարեհ Սրբազանի անմոռաց հիշատակին:

Սուրբ պատարագին և Հոգեհանգստյան արարողության ներկա են նաև հանգուցյալ Սրբազանի հայրենաբնակ բոլոր հարազատներն ու բարեկամները, որոնց մեծ վիշտը բաժանելով, մխիթարում է նրանց Վեհափառ

Հայրապետը, արցունքոտ աչքերով և սիրտ-
փանքի սրտագին արտահայտություններով:

Հավարտ սուրբ պատարագի, Վեհափառ
Հայրապետը Վեհարանում ընդունում է պաշ-
տոնական ցավակցությունը Մայր Աթոռի
միաբանության, Գերագույն Հոգևոր Խորհրդի
և հանգուցյալի հարազատներին:

Հանգուցյալի հիշատակին «Հոգւոց» ար-
տասանելուց հետո, Իր խոսքի մեջ Ամենայն
Հայոց Հայրապետը վշտով և ամսոսանքով
անդրադառնում է Հայ Եկեղեցու կրած մեծ
կորստին հանձին Իր սիրելի Նղբո՛ր՝ ողբացյալ
Ամենապատիվ Տ. Զարեհ Սրբազան Աթոռա-
կալի մահվան:

Այնուհետև նորին Ս. Օծությունը բարե-
մաղթություններ է անում Կիլիկյան Աթոռի
անսասանության, միաբանության և ժողո-
վրդի բարօրության համար:

Վեհարանում ևս ներկա էին նաև ողբացյալ
Տ. Զարեհ Սրբազանի հարազատները, որոնք
առանձինն արժանանում են Վեհափառ Հայ-
րապետի սիրտփանքին և ուշադրության:

Վեհափառ Հայրապետի կարգադրությամբ,
Նրա անվանակոչության տոնի առթիվ նախա-
տեսված պաշտոնական հանդիսությունը և
ընդունելությունը զանց են առնվում, ի հար-
գանս հանգուցյալի թարմ հիշատակի:

Հանգուցյալ Ամենապատիվ Տ. Զարեհ
Սրբազանը ծնվել է 1915 թվականի փետրվա-
րի 14-ին Մարաշ քաղաքում (Կիլիկիա):

Ավագանի անունն է եղել Սիմոն:

1927 թվականին ծնողների հետ գաղթել է
Հալեպ (Սիրիա) և հաստատվել այնտեղ, ուր
սովորել է Ազգային Մեսրոպյան վարժարա-
նում և ապա շրջանավարտ եղել Հայկազյան
վարժարանից:

1930 թվականին ընդունվել է Կիլիկյան Ա-
թոռի նորաբաց Դպրեվանքում, որպես առա-
ջին սաներից մեկը:

1935 թվականին հաջողությամբ ավարտե-
լով դպրեվանքի ուսման հնգամյա շրջանը,
կուսակրոն քահանա է ձեռնադրվում ձեռամբ
Դպրեվանքի վերատեսուչ լուսահոգի Տ. Շահն
արքեպիսկոպոս Գասպարյանի:

1936—1938 թվականներին հետևում է
Բրյուսելի համալսարանի արևելագիտության
և պատմության դասընթացներին:

Այնուհետև վանքում կատարում է մի շարք
պատասխանատու և կարևոր պաշտոններ:

1940 թվականին ընտրվում է Հալեպի թեմի
առաջնորդական տեղապահ և 1943-ին առաջ-
նորդ:

1947 թվականի փետրվարին կոչվում է
եպիսկոպոսական աստիճանի Տ. Գարեգին
Վեհի ձեռամբ, օծակից ունենալով Տ. Փառեն,
Տ. Դերենիկ, Տ. Խորեն և Տ. Ղևոնդ եպիսկո-
պոսներին:

1956 թվականի փետրվարից մինչև 1963
թվականի փետրվարը վարում է Կիլիկիո
կաթողիկոսության աթոռակալությունը:

Ամենապատիվ Տ. Զարեհ Սրբազան բնա-
վորությամբ հեղահամբույր, զարգացած, գի-
տակից բարձրաստիճան հոգևորական էր,
կոչմամբ և իր ամբողջ կյանքով նվիրված Ե-
կեղեցուն:

Նրա մահով Հայաստանյայց Առաքելական
Եկեղեցին կորցնում է իր հավատավոր և ժո-
ղովրդանվեր առաջնորդներից և սպասավոր-
ներից մեկին:

Խո՛ւնկ և աղո՛թք նրա պայծառ հիշատա-
կին:

